

24.11.2020

UKA2020/69

**Atuarfik pillugu Inatsisartut inatsisaat nr. 15, 3. December 2012- meersoq naapertorlugu Naalakkersuisut nalunaarummik saqqummiusseqqullugit peqquneqarnissaannik Inatsisartut aalajangiiffigisassatut siunnersuut. Nalunaarummi aalajangersagaqassaaq nalilersuinermut immersugassamik ilitsersuutitalimmik pilersitsisoqassasoq pitsaasutsimik nalunaarusiortarnermut ilaatinneqartussamik, meeqqat atuarfianni siulersuisuisut, pisortat ilinniartitsisullu ineriartortitsinerminni atortagassaannik.**

(Inatsisartut ilaasortaq Jens NapätôK´)

Partii Naleraq sinnerlugu Inatsisartuni ilaasortaq Jens NapätôK siunnersuutaa matumuuna Siumumiik imaattumik oqaaseqarfigissavarput.

Atuarfitsialaap inatsisaa 2012-meersoq naapertorlugu Naalakkersuisut nalunaarusioqqullugit siunnersuuteqartoq aaliangiiffigisassamik siunnersuuteqarpoq ilaatigut siunertaralugu nalilersuinermut immersugassamik ilitsersuutitalimmik pilersitsisoqarnissaa.

Naalakkersuisut akissuteqaataani ersarissaatigineqarpoq Atuarfitsialaap pilersinneqarnerani inatsimmi pioreersoq pitsaasutsimik nalunaarusiortarnissaq tassa atuarfiup pisortaata akisussaaffingaa kommunalbestyrelsimut angusat pillugit nalunaarusiortassalluni, iliuusissanik pilersaarusiortassalluni paasissutissallu assigiinngitsut kommunalbestyrelsimut nalunaarutigisassallugit, soorluttaa Naalakkersuisut Ilinniartitaanermut pilersaarut II-mi nukittorsaaqqinnissaq kissaatigingaat.

Inatsisit maanna pioreersut pitsaasutsimik nalunaarsuinissamat erseqqissunik piumasaaqateqareersut Siumumi isumaqarpugut maannalu inatsisit piumasaaqaatasut tunngavigalugit nalunaarusiornissamik kissaateqarnek piumasaaqaataareermat siunnersuut Siumumik ilalersinnaangilarput.

Taamatut oqariarluta Siumumi isumaqarpugut kommunalbestyrelsip eqqummaarissuunissaa pisariaqarluinnartoq pitsanngorsaajuarnissarlu anguniarlugu angusat toqqammavigalugit politikikkut malitseqartitsisarnissaq pitsaasumik anguniartariaqarpoq, soorluttaa kommunalbestyrelsip eqqummaariffigisariaqaraa atuarfiit pisortaasa aqutsinermut ilinniarteqqinneqartarnissaat kiisalu atuarfiit tamarmik atuartunut isumaginninnikkut ikorfartortinik peqarnissaat anguniassallugu.

Siumumiittaaq nuannaarutigaarput nalunaarusiortarnek pitsaanerusoq anguniarlugu Naalakkersuisoqarfik ilitsersuutinik suliaqarmat.

Qulaani oqaatigisagut innersuussutigalugit siunnersuut maanna inatsisitigut piumasaaqaataareermat aammalu siunnersuuteqartup anguniagai maanna naammassineqareermata siunnersuut ilalersinnaangilarput.

Doris J. Jensen, Siumut